

Weschststadtzunft

Der Stadtmist isch nid gfuehrt, Ratte si am Gnage,
üs schtinkts, wüu die Cheibe si scho uf üsem Wage.

E Wasserstadt gits gli bi üs im Weschte,
de ghöre mir vor Zunft gli zu de Beschte,
Nöchsch Johr chöi mir mit üsem Chare,
mit em Schiff über Aare a Fasnacht fahre.

Vergrabe het meh der Stadtmischt vili Johr,
mi chas fasch nid glaube aber es isch wohr,
bedänke het meh nid trotz der giftige Zone,
der Bracher Ivo wott jetzt dört go wohne.

Uf em Stadtmischt si mir Ratte alli Gebore,
jetzt hei sich es paar gäg üs verschwore,
mir si alli betroffe und sehr empört,
40 Johr lang het das niemmer gstört,
so schnäu wärdet dir üs nid eifach los,
mir mache e Demo und gö uf Stross.

Lut und düllich seit der Fluri Kurt,
jetzt mues ändlich dä Stadtmischt furt,
der Ivo Bracher chas chum erwarte,
und stöut de Mischte bi Ihm i Garte.

Bade im Schwümmbad oder ir Aare,
das isch nüt für üs Weschststadt Narre,
Allaschte si ir nöchi im Bode verborge,
es Wunder isch dört no niemmer gstorbe.

Der auti Stadtmischt es isch nid zum lache,
was wott meh mit däm Müll jetzt mache,
dir chöits üs glaube es isch kei Witz,
am beschte baut meh dört e Regierigssitz.

Mir danke für eui Treui,
u gseh üs nöchsch Johr ufs Neui.

